



26. august 2014

UKA 2014/62

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Itisiliilluni tusagassiornermut atugassanik ukiumut 3 millioner koruuninik aningaasaliisarnissamut Naalackersuisut peqquneqarnissaannik Inatsisartut aalajangiiffigisassaattut siunnersuut. Kalaallit Nunaanni tusagassiorfiit taamatullu tusagassiorlut freelancertut aningaasaliissutinik qinnuteqarsinnaalissapput aningaasaliiffik 2015 aallarnerfigalugu.**

(Inatsisartunut ilaasortaq Andreas Uldum, Demokraatit)

### **Tunngavilersuut:**

Tusagassiorfiit demokrateeqarnitsinnut pingaaruteqarput. Tusagassiorfiit aqutugalugit nutaarsiassat siammarterneqartarput. Tusagassiorlut taakkuupput kanngunartulianik annertuunik qulaajaarsartut. Aamma tusagassiorfiit nipilersukkanik allanillu ilanngutassianik kulturimut tunngasunik pisuujunerulerutigisartakkatsinnik, uangut nammineq oqaatsigut atorlugit saqqummiisarput.

Arlaannaalluunniit ilumoorluni oqarsinnaanngilaq tusagassiorfiit pisariaqartinngikkigut. Tamarluinnatta minnerpaamik ullormut ataasiarluta kalaallisut nutaarsiassanik tusarnaartarpugut.

Tusagassioriaaserli ataaseq maani nunatsinni qaqutikkuinnaq aallunneqartarpoq, tassalu itisiliilluni piviusulikkersaarusionerq, suliamik itisuumik peqqissaartumillu naqqa tikilllugu misissuineq. Tusagassiorfiit tusagassiorlutlullu piunassuseqannginnerannik pissuteqanngilaq, paarlattuanilli pissutaavoq tusagassiorlut immaqqa qaammatini arlalinni allamik suliaqaratik sulinissaannut aningaasassaqtannginnera.

Demokraatini isumaqarpugut tamanna uggornartuusoq. Uranisiornerup kinguneri pilugit, Peqqinnissaqarfimmut aningaasaliissutit iluamik atorneqartarnersut immaqaluunniit meeqqat arsaarinnissutigineqartartut nunarsuarmi malittarisassat naapertorlugit sullittarnerigut pillugu qaqilerilluni tusagassianik takorusukkaluarput. Aamma soqutiginassagalarpoq takussallugu silap pissusaata allanngoriartornera piniartuunermut qanoq kinguneqarsimanersoq. Immaqaluunniit qaqilerneqarsinnaavoq nunaqqatigut inuusuttut qassit nunani allani najugaqarusuinnartarnersut ilinniareernermit kingorna. Allatut oqaatigalugu tusagassiorlut saatassaannik qaqilerneqarsinnaasunik ulikkaarpoq.

Tamanna tunngavigalugu Demokraatini siunnersuutigarpud 2015-mut Aningaasanut Inatsimmut atatillugu Inatsisartut ukiumoortumik tusagassiornermut aningaasaliisalissasut, qaqileraluni tusagassiornermut nunatsinnullu tunngasunut tusagassianut atorneqartartussanik. Aningaasanik pissarsisut soorunami Nammilersorlutik Oqartussanut nalunaarusiortassappud allaaseralugu aningaasat tunniunneqartut qanoq atorneqarsimanersut. Takorloorpara naliliisartumik



ataatsimiititaliortoqassasoq ataavartumik tusagassiorfiit tugassiorfullu qinnuteqaataannik naliliisartussanik. Naliliisartuni inuttaritinneqarsinnaapput ilinniarsimasut tusagassiornermut ilinniarfimmeersut.

2014-mi Upernaakkut ataatsimiinnermi assigusumik siunnersuuteqarpunga, taamanili sakkortuumik maani inimi politikerinit tusagassiorfinnullu isornartorsiorneqarpunga, KNR-p aningaasaatiminik qanoq atuisinnaaneramik aalajangersaaniarsarisutut. Isornartorsiuineq akueralugu tiguara taamaattumik aamma siunnersuutiga allanngortippara, tusagassiorfinnut aningaasaliinissanngorlugu, kalaallit tusagassiorfiit tusagassiorfullu qaqilerillutik tusagassiornermissaminnut atatillugu qinnuteqarsinnaalersillugit. Taamaaliorutta isumaqarpunga isornartorsiuutaasoq illuatungilersinnaallugu. Isumaqartuarpungami nunatsinni qaqilerilluni itisilikkanik tusagassiiarnissaq pisariaqartoq.

### **Pisortanut aningaasarsiornikkut allaffissornikkullu kingunissai**

Ataatsimut isigalugu siunnersuut Namminersorlutik Oqartussanut ukiumut 3 millioner koruuninik aningaasartuutaasassaaq. Aningaasalersuineq pissaaq Ilinniartitaanermut, Ilageeqarnermut, Kulturimut Naligiisitaanermullu pisorta qarfiup maannakkut missingersuutaasa iluanni 2015-mut Aningaasanut Inatsisissap isumaqatigiinniutigineqarneranut atatillugu – ajornanngippat sipaaruteqarnikkut, pisortanut ataatsimut isigalugu aningaasartuut iluanaarutaananilu ajunaarutaassanngilaq.

### **Namminersortunut aningaasarsiornikkut allaffissornikkullu kingunissai**

Soqanngilaq

### **Innuttaasunut aningaasarsiornikkut allaffissornikkullu kingunissai.**

Soqanngilaq.